

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10. stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 13-989-2/19. od 22.07.2019. godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa VD Direktor Mr. Zijad Memišević (u daljem tekstu: Ugovorni organ)

2. **Telemach doo Sarajevo, ul. Džemala Bijedića br. 216., Sarajevo**, registrovan kod Općinskog suda u Sarajevu, matični broj subjekta upisa: 65-01-0620-08 (stari broj 1-18109), identifikacijski broj kod Porezne uprave FBiH Kantonalni ured Sarajevo 4200209890007, koga zastupa Direktor Drinić Admir (u daljem tekstu: Vršilac usluga),

Dana 25.07.2019. godine, zaključuju

UGOVOR O VRŠENJU USLUGA

Član 1.

Vršilac usluga se obavezuje da za Ugovornog organa, na adresi ulica Aleja Bosne srebrene broj 7, u skladu sa svojom Ponudom broj: 101-2019 od 23.07.2019. godine, a prema zahtjevima Ugovornog organa, koji čine sastavni dio ovog Ugovora, kontinuirano vrši pružanje usluga **kablovske televizije**.

Član 2.

Ukupna ugovorena vrijednost izvršenja predmetnih usluga iznosi do **500,00 KM bez PDV-a**, a u skladu sa ponuđenim jediničnim cijenama usluga iz Ponude broj: 101-2019 od 23.07.2019. godine, iznos mjesečne pretplate 22,14 KM bez PDV-a.

Ugovorena vrijednost ugovora, kao i ukupan obim predmetnih usluga su orjentacione i zavise od stvarnih potreba Ugovornog organa u toku ugovorenog perioda.

Član 3.

Ugovorne strane su saglasne da se usluge vrše kontinuirano, a prema potrebama Ugovornog organa.

Član 4.

Vršilac usluga se obavezuje da će usluge iz člana 1. ovog ugovora obavljati blagovremeno, stručno i efikasno.

Ugovorne strane su saglasne da u slučaju neefikasno izvršenih usluga, Ugovorni organ zadržava pravo da zahtijeva ponovno izvršenje usluga o trošku Vršioca usluga.

Sve eventualne reklamacije za izvršene usluge koje su predmet ovog Ugovora, Ugovorni organ će dostaviti pismeno, najkasnije u roku od 5 dana od izvršenja usluge.

Ugovorni organ zadržava pravo da u slučaju učestalih, neblagovremeno i/ili neefikasno izvršenih usluga, ovaj Ugovor raskine, uz prethodno pismeno upozorenje Vršiocu usluga na mogućnost raskida ugovora iz navedenih razloga.

Član 5.

Ukoliko Vršilac usluga zakasni sa izvršenjem ugovorenih obaveza, dužan je platiti Ugovornom organu, za svako kašnjenje u izvršenju ugovorenih obaveza, ugovornu kaznu u iznosu od 2% od ugovorene vrijednosti usluge sa kojom je zakasnio.

Ugovorni organ se obavezuje da Vršioca usluga odmah obavjesti o svakom kašnjenju u izvršenju ugovorenih obaveza, na osnovu koje je Vršilac usluga obavezan umanjiti iznos mjesečne fakture za plaćanje u skladu stavom 1. ovog člana.

Ugovorne strane su saglasne da je za slučaj neizvršenja ugovorenih obaveza Vršilac usluga dužan platiti Ugovornom organu, ugovornu kaznu u iznosu od 5% od vrijednosti ovog ugovora.

Član 6.

Ugovorne strane su saglasne da u periodu važenja ovog Ugovora cijene usluga precizirane u članu 2. ostaju nepromijenjene.

Svaka eventualna promjena cijena usluga je osnov za raskid ovog Ugovora.

Član 7.

Osnov za plaćanje izvršenih usluga jesu fakture/računi koje Vršilac usluga dostavlja Ugovornom organu za uredno izvršene usluge.

Ugovorni organ se obavezuje da će plaćanje fakturiranih ugovorenih usluga vršiti u roku od 90 dana od dana prijema fakture, putem transakcijskog računa Vršioca usluga broj: 1327310010169512 otvoren kod NLB banke.

Ukoliko Ugovorni organ ne izvrši plaćanje u ugovorenom roku, Vršilac usluga ima pravo na zakonsku zateznu kamatu, kao i pravo da obustavi vršenje poslova i poduzme pravne radnje za naplatu potraživanja.

Plaćanje usluga po ovom Ugovoru vršit će se u konvertibilnim markama.

Član 8.

Ovaj Ugovor se zaključuje za 2019. godinu, a primjenjuje se od dana obostranog potpisivanja.

Član 9.

Sve izmjene i dopune ovog Ugovora mogu se vršiti u pismenoj formi, uz saglasnost ugovornih strana.

Član 10.

Ugovorne strane mogu ovaj Ugovor raskinuti pismenim putem i prije njegovog isteka ukoliko se jedna od ugovornih strana ne bude pridržavala odredaba istog, uz prethodno izmirenje svih obaveza nastalih po osnovu Ugovora.

Član 11.

Otkazni rok po ovom Ugovoru je 30 dana, od dana prijema pismenog obavještenja o otkazu Ugovora, a po isteku ovog roka, Ugovor se smatra raskinutim.

Član 12.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.


Član 13.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 14.

Ovaj Ugovor je sačinjen u 4 (četiri) istovjetna primjerka, od kojih svaka strana zadržava po 2 (dva) primjerka.

VRŠILAC USLUGA



Broj: 601122552/19

Datum: 31.07.2019.



UGOVORNI ORGAN

Broj: 13-1023-4/19

Datum: 25.07.2019. godine